

十三經解詁


穀梁

三

漢書門類			
三〇	二六	一七	四三
冊	函	號	類

內閣文庫	
二七六	田三
函	一七
二一	三〇
冊	冊

內閣文庫	
番號	漢 4317
冊數	30 ( 27 )
函號	276 33



三傳

穀梁三

襄公

元年春王正月公即位繼正即位正也仲孫蔑

會晉欒黶宋華元衛甯殖曹人莒人邾人滕

人薛人圍宋彭城繫彭城於宋者不與魚石

正也魚石得罪于宋成十五年奔楚十八年復入于彭城然則彭城已屬魚石今猶

繫宋者崇君抑叛臣也夏晉韓厥帥師伐鄭仲孫蔑會

齊崔杼曹人邾人杞人次于鄆鄭地秋楚公子

壬夫帥師侵宋九月辛酉天王崩邾子來朝

冬衛侯使公孫剽來聘。晉侯使荀瑩來聘。冬者

十月初也。王崩赴未至。皆未聞喪。故各得行朝聘之禮。

二年春王正月葬簡王。鄭師伐宋。夏五月庚寅。

夫人姜氏薨。六月庚寅。鄭伯踰卒。晉師宋師。

衛甯殖侵鄭。其曰衛甯殖如是而稱于前事。

也。初衛侯速卒。鄭人侵之。故舉甯殖之報。以明稱于前事。不書晉宋之將以慢其伐人。

之喪。秋七月。仲孫蔑會晉荀瑩宋華元衛孫林。

父曹人邾人于戚。己丑葬我小君齊姜。齊諡叔

孫豹如宋。冬。仲孫蔑會晉荀瑩齊崔杼宋華。

元衛孫林父曹人邾人滕人薛人小邾人于

戚。遂城虎牢。若言中國焉。內鄭也。虎牢鄭邑。不繫虎牢

於鄭者。如中國之邑也。僖二年城楚丘。傳曰。楚丘者何。衛之邑。國曰城。此邑也。其曰城何。

封衛也。楚殺其大夫公子申。

三年春。楚公子嬰齊帥師伐吳。公如晉。夏四月。

壬戌。公及晉侯盟于長樗。晉侯出其國都。與公盟于外地。公

至自晉。六月。公會單子晉侯宋公衛侯鄭伯。

莒子邾子齊世子光。己未同盟于雞澤。同者

有同也。同外楚也。陳侯使袁僑如會。如會外

乎會也。外乎會者明本非會內也。諸侯已會乃至耳。於會受命也。

戊寅叔孫豹及諸侯之大夫及陳袁僑盟及

以及與之也。諸侯在會而大夫又盟是大夫執國之權。亢君之禮。陳君不會。

袁僑受使來盟。袁僑之盟得其義也。故再言及。明獨與袁僑不與諸侯之大夫。諸侯

以為可與則與之。不可與則釋之。諸侯盟又

大夫相與私盟。是大夫張也。故雞澤之會。諸

侯始失正矣。大夫執國權曰袁僑異之也。釋

但總言及諸侯之大天。而復別言袁僑者是異袁僑之得禮。公羊以為重言及者。為其與袁僑盟也。大夫君在私盟。故謂之強也。秋。公至自晉。冬。晉荀瑩

帥師伐許。

四年春王三月巳酉。陳侯午卒。夏。叔孫豹如晉。

秋七月戊子。夫人妣氏薨。成公夫人。襄公母也。妣。杞姓。葬

陳成公。八月辛亥。葬我小君定姒。定姒。諡冬。公如

晉。陳人圍頓。

五年春。公至自晉。夏。鄭伯使公子發來聘。叔孫

豹繒世子巫如晉。外不言如。而言如。為我事

往也。外相如不書。為魯事往。故同於內。左氏謂請繒于晉。以助已出賦也。仲孫

蔑衛孫林父會吳于善稻。善稻。吳地。左氏作善道。吳謂

善伊。謂稻緩號從中國名從主人。夷狄所號

類當從中國言之。以教殊俗。故不言伊緩而

言善稻。人名當從其本俗言。善稻。吳地。嫌從

夷號。故重發之。大原。晉地。接狄之竟。名曰大

鹵。恐從狄名。故更發其例。蚡泉。魯地。莒從夷

俗。但狄人謂蚡泉為矢胎。莒不得與真夷狄

同。故亦須發例也。名從主人者。越為於越。左

氏云壽夢

之鼎是也。秋。大雩。楚殺其大夫公子壬夫。公

會晉侯宋公陳侯衛侯鄭伯曹伯莒子邾子

滕子薛伯齊世子光吳人繒人于戚。繒以外甥為子

曾夷狄之不若。故序吳下。公至自會。冬。戍陳。內辭也。不言諸侯

是魯戍之。受楚公子貞帥師伐陳。公會晉侯

宋公衛侯鄭伯曹伯莒子邾子滕子薛伯齊

世子光救陳。十有二月。公至自救陳。善救陳

也。公能救中國而攘夷狄故善之。辛未。季孫行父卒。

六年。春。王三月壬午。杞伯姑容卒。夏。宋華弱來

奔。秋。葬杞桓公。滕子來朝。莒人滅繒。莒是繒甥。立以

為後。非其族類。神不次其祀。故言滅。非滅也。中國日。卑國月。夷

狄時。繒中國也。而時非滅也。家有既亡國。有

既滅滅而不自知。由別之而不別也。莒人滅

繒。非滅也。立異姓以莅祭祀。滅亡之道也。冬。

叔孫豹如邾。李孫宿如晉。十有二月。齊侯滅萊。

七年春。邾子來朝。夏四月。三卜。郊不從。乃免牲。

夏四月。不時也。三卜。禮也。乃者。亡乎人之辭。

也。小邾子來朝。城費。秋季。孫宿如衛。八月。螽。

冬十月。衛侯使孫林父來聘。壬戌。及孫林父。

盟。楚公子貞帥師圍陳。十有二月。公會晉侯。

宋公陳侯衛侯曹伯莒子邾子于鄆。鄆。鄭地。鄭

伯鬲原如會。未見諸侯。丙戌。卒于操。操。鄭地。未

見諸侯。其曰如會。何也。致其志也。禮諸侯不

生名。此其生名何也。卒之名也。卒之名。則何

為加之。如會之上。見以如會。卒也。其見以如

會。卒何也。鄭伯將會中國。其臣欲從楚。不勝

其臣。弒而死。其不言弒。何也。不使夷狄之民

加乎中國之君也。以其臣欲從楚。故謂夷狄之民。不欲使夷狄之臣。得

弒中國之君。故去弒而言卒。使若正卒然。其地於外也。其日未踰

竟也。日卒時葬。正也。陳侯逃歸。以其去諸侯

故逃之也。鄭伯欲從中國而懼其凶禍。諸侯莫有討心。於是懼而去之。背華即

夷故書逃以抑之。

八年春王正月公如晉

往月危月也鄭伯歸晉受禍陳侯畏楚逃歸明

晉之不足可恃而公往朝危之道故書月也。

夏葬鄭僖公鄭人侵

蔡獲蔡公子濕

獲者不與之辭侵者所以服不義無相獲之道人微

者也。侵淺事也。而獲公子。公子病矣。

公子病不任為

將帥故獲之。

季孫宿會晉侯鄭伯齊人宋人衛人

邾人于邢丘見魯之失正也。公在而大夫會

也。

以公在晉未及告公大夫為會故云失正也。

公至自晉莒人伐

我東鄙。秋九月大雩。冬楚公子貞帥師伐鄭

晉侯使士匄來聘

九年春宋災外災不志此其志何也故宋也

故

先也孔子之先宋人。

夏季孫宿如晉五月辛酉夫人姜

氏薨

成公母

秋八月癸未葬我小君穆姜冬公

會晉侯宋公衛侯曹伯莒子邾子滕子薛伯

小邾子齊世子光伐鄭十有二月己亥同盟

于戲

戲鄭地

不異言鄭善得鄭也不致耻不能

據鄭也

戲盟還而楚伐鄭故耻不能終有鄭

楚子伐鄭

十年春公會晉侯宋公衛侯曹伯莒子邾子滕

子薛伯杞伯小邾子齊世子光會吳于相。楚

地殊會吳者復夷狄故。夏五月甲午遂滅傅陽遂直遂

也。其曰遂何不以中國從夷狄也。時實吳會諸侯滅傅

陽。耻以中國之君從夷狄之主。公至自會。會夷狄不致惡事

不致此其致何也。存中國也。滅中國自諸侯

狄而滅人則中國不復存矣。中國有善事則并焉。如僖四年諸侯

侵蔡蔡潰遂伐楚是并焉。無善事則異之存之也。汲鄭伯

汲猶引也。鄭伯髡為臣所弑。而不書弑此引而致於善事。逃歸陳侯致相

之會存中國也。楚子貞鄭公孫輒帥師伐宋

晉師伐秦。秋。莒人伐我東鄙。公會晉侯宋公

衛侯曹伯莒子邾子齊世子光滕子薛伯杞

伯小邾子伐鄭。齊世子光序滕薛之上。蓋驕蹇。冬盜殺鄭公

子斐公子發公孫輒稱盜以殺大夫弗以上

下道惡上也。鄭伯不能修政刑以致盜殺大夫惡其君以致盜也。故云不以

上下道。城鄭虎牢。不稱其人。則魯成也。其曰鄭虎牢決鄭

乎虎牢也。數次覆無從善之意。故楚公子貞

帥師救鄭。公至自伐鄭。

十有一年春王正月作三軍作為也。古者天子



六師諸侯一軍作三軍非正也

魯有二軍今云作三軍增

置中夏四月四不郊不從乃不郊夏四月不

時也四上非禮也鄭公孫舍之帥師侵宋公

會晉侯宋公衛侯曹伯齊世子光莒子邾子

滕子薛伯杞伯小邾子伐鄭秋七月己未同

盟于京城北京城北鄭地公至自伐鄭不以後致

盟後復伐鄭也傳例曰已伐而盟復伐者則以伐致盟不復伐者則以會

致此言不以後致謂會在伐後定子鄭伯伐宋公會晉侯宋

公衛侯曹伯齊世子光莒子邾子滕子薛伯

杞伯小邾子伐鄭會于蕭魚蕭魚鄭地公至自會

伐而後會不以伐鄭致得鄭伯之辭也鄭與會而

服中國喜之故以會致楚人執鄭行人良霄行人者挈

國之辭也舊解挈猶傳也行人傳國使會命故云挈國之辭也或以挈為舉亦

通冬秦人伐晉

十有二年春王三月莒人伐我東鄙圍郕伐國

不言圍邑舉重也伐國重圍邑輕舉重可以包輕取邑不書

圍安足書也不足書而今書蓋為下事起季孫宿帥師救

郕遂入郕遂繼事也受命而救郕不受命而

入鄆。惡季孫宿也。夏，晉侯使士魴來聘。秋九

月，吳子乘卒。冬，楚公子貞帥師侵宋。公如晉。

十有三年，春，公至自晉。夏，取郟。公羊以郟為郟

國也。秋九月庚辰，楚子審卒。共冬城防。

十有四年，春，王正月，季孫宿、叔老會晉士匄、齊

人、宋人、衛人、鄭公、孫、薑、曹人、莒人、邾人、滕人、

薛人、杞人、小邾人會吳于向。鄭地。何休月者

夫。二年之後。君若贅旒然。二月乙未朔，日有食之。夏四月

叔孫豹會晉荀偃、齊人、宋人、衛北宮括、鄭公

孫、薑、曹人、莒人、邾人、滕人、杞人、小邾人

伐秦。己未，衛侯出奔齊。衍結怨於民。自棄於

謀故出入皆日。以著其惡。莒人侵我東鄙。秋，楚公子貞帥

師伐吳。冬，季孫宿會晉士匄、宋華閱、衛孫林

父、鄭公、孫、薑、曹人、邾人于戚。

十有五年，春，宋公使向戌來聘。二月己亥，及向

戌盟于劉。劉，夏逆王后于齊。劉，采地。夏名。書

子無外。所命則成。故不言逆女。過我，故志之也。夏，齊侯伐我

北鄙，圍成。公救成，至遇。至遇而齊師已退也。遇，魯地。季孫

宿叔孫豹帥師城成郭。郭秋八月丁巳日有

食之。邾人伐我南鄙。冬十有一月癸亥。晉侯

周卒。

十有六年春王正月葬晉悼公。三月公會晉侯

宋公衛侯鄭伯曹伯莒子邾子薛伯杞伯小

邾子于溴梁。戊寅大夫盟。溴梁之會諸侯失

正矣。諸侯會而曰大夫盟。正在大夫也。諸侯

在而不曰諸侯之大夫。大夫不臣也。晉人執

莒子邾子以歸。齊侯伐我北鄙。夏公至自會。

五月甲子地震。叔老會鄭伯晉荀偃衛甯殖

宋人伐許。秋齊侯伐我北鄙。圍成大。雩。冬叔

孫豹如晉。

十有七年春王二月庚午邾子囀卒。宋人伐陳。

夏衛石買帥師伐曹。秋齊侯伐我北鄙。圍桃

齊高厚帥師伐我北鄙。圍防。九月大雩。宋華

臣出奔陳。冬邾人伐我南鄙。

十有八年春白狄來。夏晉人執衛行人石買。稱

行人。怨接於上也。怨其君而執其使。稱行人。明使人耳。罪在上也。秋。

齊侯伐我北鄙。冬十月公會晉侯宋公衛侯

鄭伯曹伯莒子邾子滕子薛伯杞伯小邾子

同圍齊。非圍而曰圍。齊有大焉。亦有病焉。

齊非大國諸侯若無罪諸侯豈得同病之非大而足同焉。

諸侯同罪之也。亦病矣。

諸侯同罪大國是不則亦病矣曹伯負芻卒于師。閔之也。楚公子午帥

師伐鄭。

十有九年春王正月諸侯盟于祝柯。

前年同圍齊之諸侯也。祝柯齊地。晉人執邾子。公至自伐齊。春秋之義

已伐而盟。復伐者。則以伐致。盟不復伐者。則

以會致。祝柯之盟。盟後伐齊與。曰非也。然則

何為以伐致也。曰與人同事。或執其君。或取

其地。同與邾圍齊而二言執其君。魯取邾田。此與盟後復伐無異。取邾田自

灑水。以灑水為界。取邾田之多。公羊以為灑水取邾田自

灑水者。委曲之辭也。言取邾田。委曲隨灑水

為界之辭。其不曰惡盟也。謂執君取地季孫宿如

晉。葬曹成公。夏衛孫林父帥師伐齊。秋七月

辛卯。齊侯環卒。晉士匄帥師侵齊。至穀聞齊

侯卒。乃還。還者事未畢之辭也。受命而誅。生  
 死無所加其怒。不伐。喪善之也。善之則何為  
 未畢也。君不尸小事。臣不專大名。善則稱君。  
 過則稱已。則民作讓矣。士匄外專君命。故非  
 之也。然則為士匄者宜奈何。宜墀帷而歸命  
 乎。介除地為墀。於墀張帷。反命于介。介歸告君。君命乃還。不敢專也。八月丙  
 辰。仲孫蔑卒。齊殺其大夫高厚。鄭殺其大夫  
 公子嘉。冬。葬齊靈公。城西郭。叔孫豹會晉士  
 匄于柯。城武城。

二十年。春王正月。辛亥。仲孫速會晉人盟于向。  
 夏六月庚申。公會晉侯。齊侯。宋公。衛侯。鄭伯。  
 曹伯。莒子。邾子。滕子。薛伯。杞伯。小邾子。盟于  
 澶淵。衛地。秋。公至自會。仲孫速帥師伐邾。蔡殺  
 其大夫公子濕。蔡公子履出奔楚。陳侯之弟  
 光出奔楚。諸侯之尊。弟兄不得以屬通。其弟  
 云者。親之也。親而奔之。惡也。顯書弟。明其親也。親而奔。逐之。  
所以惡。叔老如齊。冬。十月丙辰朔。日有食之。  
 季孫宿如宋。

二十有一年春王正月公如晉邾庶其以漆間  
 丘來奔以者不以者也人臣無專祿以邑叛之道來奔者  
 不言出舉其接我者也漆間丘不言及小大  
 敵也夏公至自晉秋穀粟盈出奔楚九月庚戌  
 日有食之冬十月庚辰朔日有食之此年與二十四  
年皆類月日食歷無類以食之曹伯來朝公會  
 晉侯齊侯宋公衛侯鄭伯曹伯莒子邾子于  
 商任庚子孔子生

二十有二年春王正月公至自會夏四月秋七

月辛酉叔老卒冬公會晉侯齊侯宋公衛侯  
 鄭伯曹伯莒子邾子滕子薛伯杞伯小邾子  
 于沙隨公至自會楚殺其大夫公子追舒  
 二十有三年春王二月癸酉朔日有食之三月  
 巳巳杞伯旬卒夏邾畀我來奔葬杞孝公陳  
 殺其大夫慶虎及慶實稱國以殺罪累上也  
 及慶寅慶寅累也陳侯之弟光自楚歸于陳  
光反稱弟言歸無罪明矣晉欒盈復入于晉入于曲沃曲沃  
 晉地秋齊侯伐衛遂伐晉八月叔孫豹帥師救

晉次于雍渝言救後次非救也豹本受君命

能故先言救已郊仲孫速卒冬十月乙亥臧而後言次

孫紇出奔邾其日正臧孫紇之出也正其遽

伯玉曰不以道事其君者其出乎必不晉人

殺欒盈惡之弗有也不言殺其大夫是齊侯

襲莒

二十有四年春叔孫豹如晉仲孫羯帥師侵齊

夏楚子伐吳秋七月甲子朔日有食之既齊

崔杼帥師伐莒大水八月癸巳朔日有食之

公會晉侯宋公衛侯鄭伯曹伯莒子邾子

子薛伯杞伯小邾子于夷儀冬楚子蔡侯陳

侯許男伐鄭公至自會喙鍼宜咎出奔楚叔

孫豹如京師大饑五穀不升為大饑一穀不

升謂之嗛二穀不升謂之饑三穀不升謂之

饉四穀不升謂之康康虛五穀不升謂之大侵

傷大侵之禮君食不兼味臺榭不塗弛侯廷

道不除侯射百官布而不制鬼神禱而不祀

周書曰大荒此大侵之禮也有禱無祀

二十有五年春齊崔杼帥師伐我北鄙夏五月齊崔杼弒其君光莊公失言淫于崔氏公會晉侯宋公衛侯鄭伯曹伯莒子邾子滕子薛伯杞伯小邾子于夷儀六月壬子鄭公孫舍之帥師入陳秋八月己巳諸侯同盟于重丘

會夷儀之諸侯也重丘齊地公至自會衛侯入于夷儀楚屈建帥師滅舒鳩冬鄭公孫夏帥師伐陳十有二月吳子謁伐楚門于巢卒以伐楚之事門于巢卒也于巢者外乎楚也門于巢乃伐

楚也諸侯不生名取卒之名加之伐楚之上者見以伐楚卒也其見以伐楚卒何也古者大國過小邑小邑必飾城而請罪禮也

飾城者修守備請罪問所以為闕致師之意吳子謁伐楚至巢入其門門人射吳子有矢創反舍而卒古者雖有文事必有武備非巢之不飾城而請罪非吳子之自輕也

非責

二十有六年春王二月辛卯衛甯喜弒其君剽此不正其日何也殖也立之喜也君之正也



父立以為君。則子宜君之。以明正也。衛孫林父入于戚以叛。甲

午。衛侯衎復歸于衛。日歸。見知弒也。書喜弒君。衎可

言歸。衎實與弒。故錄日以見之。辛卯。弒君。甲午。便歸。是待弒而入。故得速也。不言入。以明

歸罪于夏。晉侯使荀吳來聘。公會晉人鄭良

霄。宋人曹人于澶淵。秋。宋公殺其世子座。晉

人執衛甯喜。八月壬午。許男甯卒于楚。冬。楚

子蔡侯陳侯伐鄭。葬許靈公。

二十有七年。春。齊侯使慶封來聘。夏。叔孫豹會

晉趙武。楚屈建。蔡公孫歸生。衛石惡。陳孔奐

鄭良霄許人曹人于宋。衛殺其大夫甯喜。稱

國以殺罪累上也。甯喜弒君。其以累上之辭

言之。何也。嘗為大夫。與之涉公事矣。若獻公

弒君之罪而殺。則不宜既入以甯喜由君弒

君而不以弒君之罪罪之者。惡獻公也。獻公

也。書甯喜弒其君。則喜之罪不嫌不明。今衛

若不侯之弟專出奔晉。專喜之徒也。專之為喜之

徒。何也。已雖急納其兄。與人之臣謀弒其君。

是亦弒君者也。專其曰弟。何也。專有是信者

何氏說得之

言君本使專與喜為約納君許以寵賂今反殺之獻公使專失信故稱弟見獻公之惡也  
 君賂不入乎喜而殺喜是君不直乎喜也故  
 出奔晉織絢邲鄆終身不言衛耻失信專之去  
 合乎春秋何休曰甯喜本弑君之家獻公過而殺之小負也專以君之小負自絕非大義也何秋七月辛巳豹及諸侯之大夫盟于宋溴梁之會在十六年三月諸侯在而不曰諸侯之大夫大夫不臣也晉趙武耻之豹云者恭也不舉姓氏諸侯不在而曰諸侯之大夫大夫臣也其臣恭也諸侯大夫為恭故歸功趙武也首趙武為之會也

冬十有二月乙亥朔日有食之

二十有八年春無冰夏衛石惡出奔晉邾子來

朝秋八月大雩仲孫羯如晉冬齊慶封來奔

十有一月公如楚書月者何休云危公朝夷狄二十九年公自至楚傳

十有二月甲寅天王崩乙未楚子昭卒云喜之也

二十有九年春王正月公在楚閔公也閔公為楚所制

夏五月公至自楚喜之也遠之蠻國致錄

君者殆其往危殆而喜其反此致君之意義也

庚午衛侯衍卒闞弑吳子餘祭闞門者也寺

人也不稱名姓。閻不得齊於人。不稱其君。閻  
 不得君其君也。禮君不使無耻。不近刑人。不  
 狎敵。不邇怨。賤人非所貴也。貴人非所刑也。  
 刑人非所近也。舉至賤而加之。吳子。吳子近  
 刑人也。閻弒吳子餘祭。仇之也。怨仇餘祭仲  
 孫羯會晉荀瑩齊高止宋華定衛世叔儀鄭  
 公孫段曹人莒人邾人滕人薛人小邾人城  
 祀古者天子封諸侯。其地足以容其民。其民  
 足以滿城以自守也。想危而不能自守。故諸

侯之大夫相帥以城之。此變之正也。諸侯微

大夫大夫能同恤 晉侯使士鞅來聘。杞子來

災危故曰變之正 盟。杞復稱子。蓋杜預曰吳子 吳子使札來聘。餘祭既遣札

聘上國而後死。札以六月到魯。未聞 吳其稱

喪也。不稱公子。其禮未同於上國。 子何也。善使。延陵季子。故進之也。身賢賢也。

使賢亦賢也。延陵季子之賢。尊君也。其名成

尊於上也。春秋賢者不名。而札名者。許夷狄

則不得 秋七月。葬衛獻公。齊高止出奔北燕。

其曰北燕。從史文也。南燕。姁姓。在鄭衛之間。北燕。姬姓。在晉之北。時

有直言燕者故冬仲孫羯如晉

三十年春王正月楚子使遠罷來聘書王必上繫于春下

統于月此書王以治蔡般之罪爾非以錄遠罷之聘夏四月蔡世子般

殺其君固其不日子奪父政是謂夷之比之夷狄

故不日也五月甲午宋災伯姬卒取卒之日加之

災上者見以災卒也其見以災卒奈何伯姬

之舍失火左右曰夫人少辟火乎伯姬曰婦

人之儀傳母不在宵不下堂左右又曰夫人

少辟火乎伯姬曰婦人之義保母不在宵不

下堂遂逮乎火而死婦人以貞為行者也伯

姬之婦道盡矣詳其事賢伯姬也天王殺其

弟佞夫傳曰諸侯目不首惡況於天子乎君

無忍親之義天子諸侯所親者唯長子母弟

耳天王殺其弟佞夫甚之也王子瑕奔晉不

出周無外秋七月叔弓如宋葬共姬外夫人不書

葬此其言葬何也吾女也卒災故隱而葬之

也鄭良霄出奔許自許入于鄭鄭人殺良霄

不言大夫惡之也冬十月葬蔡景公不日卒

而月葬不葬者也卒而葬之不忍使父失民

於子也謂般夫葬者臣子之事也景公無子不可謂無民有民則罪歸於子書葬不忍

使父失民於子般晉人齊人宋人衛人鄭人曹人莒人

邾人滕人薛人杞人小邾人會于澶淵宋災

故會不言其所為其曰宋災故何也不言災

故則無以見其善也其曰人何也救災以衆

何救焉更宋之所喪財也償其所喪財故雖不及災時而猶曰

救災更音庚償也左氏澶淵之會中國不侵

伐夷狄不入中國無侵伐八年善之也晉趙

武楚屈建之力也此歸宋財亦是趙武為之以其息師故得憂災恤患

是以連言之耳

三十有一年春王正月夏六月辛巳公薨于楚

宮楚宮非正也秋九月癸巳子野卒襄公太子

卒日正也巳亥仲孫羯卒冬十月滕子來會

葬癸酉葬我君襄公十有一月莒人弒其君

密州

昭公

元年春王正月公即位繼正即位正也叔孫豹

會晉趙武楚公子圍齊國弱宋向戌衛齊惡  
 陳公子招蔡公孫歸生鄭罕虎許人曹人于  
 郭。二月取鄆。鄆魯邑。言取者。叛戾不服。公羊曰不聽也。何休云。不聽者叛也。  
 夏秦伯之弟鍼出奔晉。諸侯之尊。弟兄不得  
 以屬通。其弟云者。親之也。親而奔之。惡也。六  
 月丁巳。邾子華卒。晉荀吳帥師敗狄于太原。  
 傳曰。中國曰太原。夷狄曰大鹵。號從中國名  
 從主人。襄五年。註詳矣。秋莒去疾自齊入于莒。莒展  
 出奔吳。展篡踰年。不稱爵者。不為內。外所與也。不成君。故但書名。叔弓帥

師疆鄆田。疆之為言猶竟也。為之境界。鄆魯邑。公羊以為與莒接竟。故帥師。畏莒故以師正其界。奔邾悼公。冬十有一月巳  
 酉。楚子卷卒。楚公子比出奔晉。  
 二年春。晉侯使韓起來聘。夏。叔弓如晉。秋。鄭殺  
 其大夫公孫黑。冬。公如晉。至河乃復。乃者亡乎人之  
 辭。刺公弱劣。受制疆臣。耻如晉。故著有疾也。公凡四如晉。季氏訴公于晉侯。使不見公。公懼。不利于巳。故公托至河有疾而反。以殺耻也。十二年。傳曰。季氏不使遂乎晉。與此傳互文。以見義。季孫宿如晉。公如晉而不  
 得入。季孫宿如晉而得入。惡季孫宿也。明晉之不

見宿之所為季孫宿以七年卒十二年諸君者意如見其累世同惡故傳重明之

三年春王正月丁未滕子原卒夏叔弓如滕五月

葬滕成公秋小邾子來朝八月大雩冬大

雨雪北燕伯款出奔晉其曰北燕從史文也

四年春王正月大雨雪雪或為雹左氏作雨雪夏楚子蔡

侯陳侯鄭伯許男徐子滕子頓子胡子沈子

小邾子宋世子佐淮夷會于申楚靈王始會諸侯楚

人執徐子秋七月楚子蔡侯陳侯許男頓子

胡子沈子淮夷伐吳衆國之君傾衆悉力以伐疆敵內外之害重故

謹而執齊慶封殺之此入而殺其不言入何

也慶封封乎吳鍾離時殺慶封自于鍾離實不入吳其不言

伐鍾離何也不與吳封也慶封其以齊氏何

也據已絕于齊為齊封也靈王使人以慶封令於

軍中曰有若齊慶封弑其君者乎慶封曰子

一息我亦且一言曰有若楚公子圍弑其兄

之子而代之為君者乎軍人粲然皆笑慶封

弑其君而不以弑君之罪罪之者慶封不為

靈王服也不與楚討也春秋之義用貴治賤

用賢治不肖不以亂治亂也孔子曰懷惡而討雖死不服其斯之謂與遂滅厲遂繼事也

九月取繒襄六年莒人滅繒今又云取者彼

其實非滅故今魯得取之不云冬十有二月

乙卯叔孫豹卒

五年春王正月舍中軍魯次國舊二貴復正也軍襄十一年

立三軍今毀楚殺其大夫屈申公如晉夏莒

牟夷以牟婁及防茲來奔以者不以者也來

奔者不言出以其方及防茲以大及小也莒

無大夫其曰牟夷何也以其地來也以地來

則何以書也重地也竊地之罪重故秋七月

公至自晉戊辰叔弓帥師敗莒師于賁泉賁泉

魯地狄人謂賁泉失台號從中國名從主人秦

伯卒左氏以為同盟則名同盟而不名皆從

赴公羊以為秦伯不名者秦夷也左氏冬楚子蔡侯陳侯許男頓子沈子

徐人越人伐吳

六年春王正月杞伯益姑卒葬秦景公夏季孫

宿如晉葬杞文公宋華合比出奔衛秋九月



三傳  
大雩。楚遠罷帥師伐吳。冬，叔弓如楚，齊侯伐北燕。

七年春，王正月，暨齊平。平者，成也。暨，猶暨暨也。

暨者，不得已也。以外及內曰暨。平者善事也，為之而不得已，而為之，是亂道也。故釋

已而為之，是亂道也。故釋之為成，言成亂之辭耳。三月，公如楚，叔孫

婁如齊，莅盟，莅位也。內之前定之辭，謂之莅。

外之前定之辭，謂之來。夏四月甲辰朔，日有

食之。秋八月戊辰，衛侯惡卒。鄉曰：衛齊惡。在元

年今日，衛侯惡。此何為？君臣同名也。君子不

奪人名，不奪人親之所名，重其所以來也。王

父名子也。不奪人名，謂親之所名。明臣雖欲改，君不當聽也。君不聽，臣易名者，

欲使重父命也。父受命，名于王父。王父卒，則聽王父之命名之。若卒哭而後，無容得斥君

名，蓋捨名而稱字耳。九月，公至自楚。冬，十有一月癸未，

季孫宿卒。十有二月癸亥，葬衛襄公。

八年春，陳侯之弟招殺陳世子偃師。鄉曰：陳公

子招。在元年今日，陳侯之弟招，何也？曰：盡其親

所以惡招也。盡其親，謂既稱公子，又稱弟招，先君之公子，今君之母弟，前稱

公子，明有先君之親。今變文言弟，彰是今君之親。兩下相殺，不志乎

春秋此其志何也世子云者唯君之貳也云

可以重之存焉志之也諸侯之尊兄弟不得

以屬通其弟云者親之也親而殺之惡也此稱弟惡招招親殺世子故稱弟以惡招也夏四月辛丑陳侯溺卒

叔弓如晉楚人執陳行人干徵師殺之干姓徵師

稱人以執大夫執有罪也稱行人怨接於

上也秋蒐于紅魯地正也因蒐狩以習用武事

禮之大者也艾蘭以為防蘭香草也防為田之大限置旃

以為轅門旃旌旗之名轅門卯車以其轅表門以葛覆質以為

者不得入流旁握謂車兩轄頭各去門邊空握握四寸也擊挂則不得入門擊

槩質樞也槩門中臬葛或為褐槩門縻也樞撤也褐毛布也流旁握御擊

者不得入古帝反挂也劉兆云紐也轄音衛車軸頭也挂音割礙也車軌塵塵不馬

候蹄發足相應揜禽旅揜取御者不失其馳

然後射者能中不失馳過防弗逐不從奔之

道也戰不逐面傷不獻嫌誅不成禽不獻惡

射於射宮取三十以共乾豆賓射而中田不

得禽則得禽田得禽而射不中則不得禽是

以知古之貴仁義而賤勇力也。

射以不爭為仁。揖讓為義。

質者中門之木楛。恐傷馬足。故以毛布覆之。毛詩傳云。褐纏旃以為門。裘纏質以為藥。握四寸也。擊謂桂著。流旁握者。謂建旃表門之旒旁。去車之兩輪各一握也。車軌塵。謂驅車塵不出軌。轍馬候蹄。四蹄皆發。後足躡前足而相伺候。揜禽旅。衆也。謂掩取衆禽。雖掩衆禽。在田則簡其靡。尔之流而放之。射訖。則釋其面傷之徒。不獻之。以習軍禮。則亦不掩禽之。義也。

陳人殺其大夫公子戈。大雩。冬十月壬午。楚師滅陳。執陳公子招。放之于越。殺陳孔

魚。惡楚子也。

惡其滅人之國。故有罪之人。反殺無辜之臣。故實是楚子而言。

葬陳哀公。不與楚滅閔公也。

滅國不葬。閔楚夷狄。以無

道滅之。故書葬以存陳。

九年春。叔弓會楚子于陳。許遷于夷。

以自遷為文。而地者。

許復見也。

夏四月。陳火。國曰災。邑曰火。火不志。此

何以志。閔陳而存之也。秋。仲孫貜如齊。冬。築

郎囿。

十年。春。王正月。夏。齊欒施來奔。秋。七月。季孫意

如。叔弓仲孫貜帥師伐莒。戊子。晉侯彪卒。九

月。叔孫婁如晉。葬晉平公。十有二月甲子。宋

公成卒。

十有一年春王二月。叔弓如宋。葬宋平公。夏四月丁巳。楚子虔誘蔡侯般殺之于申。何為名之也。夷狄之君誘中國之君而殺之。故謹而名之也。稱時稱月稱日稱地。謹之也。楚公子去疾帥師圍蔡。五月甲申。夫人歸氏薨。昭公也。胡女。大蒐于比蒲。仲孫貜會邾子盟于稷祥。秋季孫意如會晉韓起齊國弱宋華亥衛北宮佗鄭罕虎曹人杞人于厥憇。九月己亥。葬我小君齊歸。齊諡。冬十有一月丁酉。楚師滅蔡。執

舉也。摯提摯也。

蔡世子友以歸。用之。此子也。諸侯在喪稱子。其曰世子何也。不與楚殺也。一事注乎志。所以惡楚子也。一事輒注而志之也。十有二年春齊高偃帥師。納北燕伯于陽。納者內不受也。燕伯之不名何也。不以高偃摯燕伯也。公子遂以去公子為摯。燕伯以書名為摯者。臣宜書名。故須去公子乃為摯。君不可名而以臣名。君者不待去燕伯則為摯也。三月壬申。鄭伯嘉卒。夏宋公使華定來聘。公如晉。至河乃復。季孫氏不使。遂乎晉也。不言意如而云氏者。欲見累世諸公故也。五月

葬鄭簡公。楚殺其大夫成虎。秋七月。冬十月。公子愁出奔齊。楚子伐徐。晉伐鮮虞。其曰晉狄之也。其狄之何也不正。其與夷狄交伐中國。故狄稱之也。

鮮虞姬姓。白狄也。地居中山。故曰中國。夷狄謂楚也。今又

伐徐。晉不糾合諸侯以遂前志。舍而伐鮮虞。是楚而不如也。故狄稱之。

十有三年春。叔弓帥師圍費。夏四月。楚公子比自晉歸于楚。弑其君虔于乾溪。自晉。晉有奉

焉爾。歸而弑。不言歸。言歸。非弑也。

傳例曰。歸言歸。比不弑之。一驗也。歸一事。弑一事也。而

歸次之。然則弑君不得。歸一事。弑一事也。而

此辯比實不弑君歸而遇弑君之事也

遂言之。以比之歸。弑比不弑也。

歸弑其事各異。自別宜書之。而今連言之。是比之歸。遇君弑爾。比不弑之二驗也。

弑君者曰不日。比不弑也。

此不日。比不弑之。三驗也。楚公子棄疾殺公子

比。當上之辭也。當上之辭者。謂不稱人以殺。乃以君殺之也。

稱人以殺。謂若衛人殺祝吁于濮是也。今比實不弑。故以君殺大夫。討賊以當上之辭。殺非弑也。

實有之。辭言之。討賊以當上之辭。殺非弑也。

實有之。辭言之。討賊以當上之辭。殺非弑也。

實有之。辭言之。討賊以當上之辭。殺非弑也。

之罪。則人人皆欲殺。宜稱人以殺之。今言楚公子棄疾殺公子比。明棄疾所殺。非弑君之

人。比之不弑。比之不弑。有四。取國者稱國以弑。試四驗也。

若比欲取國而殺君者。當直云楚比弑其君虔。不應言公子也。若衛祝吁弑其君完。齊無

知弒其君諸兒之類也。楚公子棄疾殺公子比。比不嫌

也。今棄疾殺之。又言殺公子比。不言弒其君。是比無欲為君之嫌。春秋不以

嫌伐嫌。不以亂治。亂之義。棄疾主其事故嫌也。比實無弒

君之罪。而主殺之者。是棄疾欲為君之嫌。比歸稱公子。今棄疾殺之。亦云公子。不言弒其

君。是比無欲為君之嫌。異于無知祝吁之類也。此亦不稱君。未踰年之主。例不得稱君稱

公子。則異于祝吁之類。若成棄疾之罪。亦應稱君。故范決其不言弒其君也。春秋不以嫌

伐嫌者。謂比歸而遇弒。雖則無嫌。棄疾之意亦以比欲為君之嫌而殺之。是棄疾以比為

嫌。棄疾殺比而自立。亦是嫌也。今棄疾不以國氏者。不以嫌伐嫌故也。若以嫌伐嫌。而當

云楚棄疾殺公子比也。但由不以嫌伐嫌。故存棄疾之氏耳。棄疾主其事故嫌也。主其事

者主殺比之事也。秋公會劉子晉侯齊侯宋公衛侯

鄭伯曹伯莒子邾子滕子薛伯杞伯小邾子

于平丘。八月甲戌同盟于平丘。公不與盟。

再如晉不得入。故不肯與盟。同者有同也。同外楚也。公不

與盟者。可以與而不與。譏在公也。其日善是

盟也。善其會盟。因楚有難而反陳蔡之君。晉人執季孫意如以

歸。以公不與盟故。公至自會。蔡侯廬歸于蔡。陳侯吳

歸于陳。八年。楚滅陳。十一年。楚滅蔡。諸侯會而復之。故言歸。善其成之

會而歸之。故謹而日之。二國獲復。此盟之功也。故於其歸。追述前

盟謹日之意以美諸侯存亡繼絕。

此未嘗有國也。使如失國

辭然者不與楚滅也。冬十月葬蔡靈公。變之

不葬有三。變之謂改常禮。春秋之常。小國夷狄不葬。失德不葬。無

道。弒君不葬。謂不討賊。如無臣子。滅國不葬。無臣子也。然且

葬之不與楚滅。且成諸侯之事也。成諸侯與滅繼絕之

善故公如晉。至河乃復。吳滅州來。

十有四年春。意如至自晉。大夫執則致。致則名。

意如惡然而致。見君臣之禮也。三月。曹伯滕

卒。夏四月。秋葬曹武公。八月。莒子去疾卒。冬

莒殺其公子意恢。言公子而不言大夫。莒無

大夫也。莒無大夫而曰公子意恢。意恢賢也。

曹莒皆無大夫。其所以無大夫者。其義異也。

曹叔振鐸。文王之子。武王封之于曹。在甸服之內。後削小爾。莒已姓。東夷本微國。小國無

大夫也。

十有五年。春王正月。吳子夷末卒。二月癸酉。有

事于武宮。籥入。叔弓卒。去樂卒事。君在祭樂

之中。聞大夫之喪。則去樂卒事。禮也。君在廟中祭作

樂君在祭樂之中。大夫有變以聞。可乎。大夫

國體也。古之人重死，君命無所不通。

大夫與君一體。

情無疑一。祭祀雖重，以卒告君，君當哀其喪而止祭，不得以輕廢重，故死可以聞也。

蔡朝吳出奔鄭。

蔡大夫。

六月丁巳朔，日有食之。

秋，晉荀吳帥師伐鮮虞，冬，公如晉。

十有六年春，齊侯伐徐，楚子誘戎蠻子殺之。

楚子。

不名戎蠻子，非中國故。

夏，公至自晉，秋八月己亥，晉侯

夷卒，九月大雩，季孫意如如晉，冬十月葬晉

昭公。

十有七年春，小邾子來朝，夏六月甲戌朔，日有

食之，秋，邾子來朝，八月，晉荀吳帥師滅陸渾

戎，冬，有星孛于大辰，一有一亡曰有，于大辰

者，濫于大辰也。

劉向曰：大辰者大火也，不曰孛于大火，而曰大辰者，謂濫

于蒼龍之體，不獨加大火。

楚人及吳戰于長岸。

長岸，楚地。兩夷

狄曰敗，中國與夷狄亦曰敗，楚人及吳戰于

長岸，進楚子，故曰戰。

十有八年春，王三月，曹伯須卒，夏五月壬午，宋

衛陳鄭災，其志以同日也，其日亦以同日也。

或曰：人有謂鄭子產曰：某日有災，子產曰：天



者神。子惡知之。是人也。同日為四國災也。六月邾人入郟。秋葬曹平公。冬許遷于白羽。

十有九年春。宋公伐邾。夏五月戊辰。許世子止

弑其君。買曰弑。正卒也。正卒則止不弑也。不

弑而曰弑。責止也。責不嘗藥止曰我與夫弑者不

立乎其位。以與其弟廸。止自責曰我與弑君之人同罪於是致君

位於弟哭泣歆飢粥。嗑不容粒。未踰年而死。故

君子即止自責而責之也。就其有自責心。已故以備禮責之。已

郊地震。秋齊高發帥師伐莒。冬葬許悼公。曰

卒時葬。不使止為弑父也。曰子既生。不免乎

水火。毋之罪也。羈貫成童。不就師傅。父之罪

也。羈貫謂交午。剪髮以為飾。就師學問無方。心志不通。身

之罪也。心志既通。而名譽不聞。友之罪也。名

譽既聞。有司不舉。有司之罪也。有司舉之。王

者不用。王者之過也。許世子不知嘗藥。累及

許君也。許君不授子以師傅。使不識嘗藥之義。故累及之。

二十年春。王正月。夏。曹公孫會自夢出奔宋。自

夢者。專乎夢也。言無大夫。其曰公孫何也。言

其以貴取之而不以叛也。

明曹君無道致令其奔非會之罪故

書公孫以善之

秋盜殺衛侯之兄輒盜賤也其曰兄

毋兄也目衛侯衛侯累也

諸侯之尊弟兄不得以屬通經不書

衛公子而目言衛侯之兄者惡其不能保護其兄乃為盜所殺故稱至賤殺至貴然

則何為不為君也

嫡兄宜為君

曰有天疾者不得

入乎宗廟輒者何也曰兩足不能相過齊謂

之綦楚謂之蹶衛謂之輒

綦連併也蹶女輒反聚合不解也執

如紕繫也冬十月宋華亥向寧華定出奔陳十有

一月辛卯蔡侯廬卒

二十有一年春王三月葬蔡平公夏晉侯使士

鞅來聘宋華亥向寧華定自陳入于宋南里

以叛自陳陳有奉焉爾入者內弗受也其曰

宋南里宋之南鄙也以者不以者也叛直叛

也

言不作亂作亂不得言叛言叛非作亂也秋七月壬午朔日有

食之八月乙亥叔輒卒

叔弓之子

冬蔡侯東出奔

楚東者東國也何為謂之東也王父誘而殺

焉

楚子虔誘蔡侯般殺之于申父執而用焉

執蔡世子友以歸用之是

也奔而又奔之曰東惡之而貶之也

奔讎國惡莫大

焉。公如晉。至河乃復。

二十有二年。春。齊侯伐莒。宋華亥向寧華定自

宋南里出奔楚。自宋南里者專也。南里。專制。大蒐

于昌間。秋而曰蒐。此春也。其曰蒐何也。以蒐

事也。在夏之末。承秋之初。尚可。以蒐承春之首。不可之甚。夏四月乙丑。

天王崩。六月。叔鞅如京師。葬景王。王室亂。亂

之為言。事未有所成也。尹氏立子朝。劉氏單氏立王猛。俱未定也。

劉子單子以王猛居于皇。以者不以者也。王

猛嫌也。直言王猛。不言王子。是有當國之嫌。秋。劉子單子以王

猛入于王城。以者不以者也。入者內弗受也。

猛非正也。冬十月。王子猛卒。此不卒者也。未成君也。其

曰卒。失嫌也。猛奔有當國之嫌。其卒則失嫌。故錄之。當國以王為國。若言齊

晉。十有二月癸酉朔。日有食之。

二十有三年。春。王正月。叔孫婁如晉。癸丑。叔鞅

卒。晉人執我行人叔孫婁。晉人圍郊。夏六月。

蔡侯東國卒于楚。以罪出奔。又奔。離國。故不葬。秋七月。莒

子庚輿來奔。戊辰。吳敗頓胡沈蔡陳許之師

于雞甫。雞甫。楚地。胡子髡。沈子盈滅。國雖存。君死曰滅。獲

三傳 卷之六 昭公 昭公六年 昭公六年 昭公六年 昭公六年

陳夏鬻中國不言敗此其言敗何也中國不

敗胡子鬻沈子盈其滅乎其言敗釋其滅也

若師不敗則君無由滅也賢胡沈之君死社稷獲陳夏鬻獲者非與

之辭也賢夏鬻雖獲不病以其得衆也上下之稱也君死曰

曰獲君臣之稱天王居于狄泉敬王辟子朝狄泉周地始王也

其曰天王因其居而王之也天子踰年即位稱王敬王踰年

而出故曰始王雖不在國行即位之禮尹氏

立王子朝立者不宜立者也朝之不名何也

怪不直名而言王子別嫌乎尹氏之朝也若但言尹氏立朝則嫌朝

是尹氏之子故言王子以別之八月乙未地震冬公如晉至

河公有疾乃復疾不志此其志何也釋不得

入乎晉也

二十有四年春王二月丙戌仲孫貜卒姒至自

晉大夫執則致致則挈由上致之也上謂宗廟也致

臣于廟則直名而已所謂君前臣名夏五月乙未朔日有食之

秋八月大雩丁酉杞伯郁釐卒冬吳滅巢葬

杞平公

二十有五年春叔孫婁如宋夏叔倪會晉趙鞅

宋樂大心衛北宮喜鄭游吉曹人邾人滕人

薛人小邾人于黃父有鸚鵡來巢一有一亡

曰有來者來中國也鸚鵡不渡濟非中國之禽故曰來鸚鵡

穴者而曰巢劉向曰去穴而巢此陰居陽位臣逐君之象也或曰增

之也其實不巢也或說非也秋七月上辛大雩季辛又

雩季者有中之辭也又有繼之辭也九月乙

亥公孫于齊次于陽州孫之為言猶孫也諱

奔也次止也齊侯唁公于野井弔失國曰唁

唁公不得入於魯也冬十月戊辰叔孫婁卒

十有一月巳亥宋公佐卒于曲棘邾公也邾當

為訪訪謀也言宋公所以卒于曲棘者欲謀納公十有二月齊侯取

鄆取鄆以居公取易辭也內不言取以其為公取

之故易言之也

二十有六年春王正月葬宋元公三月公至自

齊居于鄆公次于陽州其曰至自齊何也以

齊侯之見公可以言至自齊也齊侯唁公居于野井居

于鄆者公在外也明公實在外故言居于鄆至自齊道義

不外公也君雖在外猶以在國之禮錄之崇君之道夏公圍成孟氏

范甯曰非責也奔篡君之賊其責遠矣謂不但責尹氏三人蓋遠責諸侯附楚不誅子朝而使之奔雙故曰奔直奔也楚子朝之舅於周為讐國也

邑非國不言圍所以言圍者以大公也崇大其事

秋公會齊侯莒子邾子杞伯盟于鄆陵公至

自會居于鄆公在外也至自會道義不外公

也九月庚申楚子居卒冬十月天王入于成

周周有入無出也尹氏召伯毛伯以王子朝

奔楚遠矣非也范甯曰謂不但責尹氏三人蓋遠責諸侯附楚不誅子朝

而使之奔雙諸侯之罪大矣故曰奔直奔也謂諸侯緩追逸賊任其奔而無所忌憚也楚

子朝之舅於周為讐國也奔直奔也

二十有七年春公如齊公至自齊居于鄆公在

外也夏四月吳弑其君僚楚殺其大夫卻宛

秋晉士鞅宋樂祁犁衛北宮喜曹人邾人滕

人會于扈冬十月曹伯午卒邾快來奔邾界我庶

其並來奔今邾快又至三叛之人俱以魯為主邾魯鄰國而聚其逃悉書之以示譏也

公如齊公至自齊居于鄆

二十有八年春王三月葬曹悼公公如晉次于

乾侯不得入于晉公在外也夏四丙戌鄭伯

寧卒六月葬鄭定公秋七月癸巳滕子寧卒

冬葬滕悼公

二十有九年春。公至自乾侯。居于鄆。以乾侯至不得見晉

故齊侯使高張來唁公。唁公不得入于魯也。

野井齊地。今來唁公于鄆。鄆是魯地。魯地而言唁。言不得入于魯也。公如晉。次

于乾侯。夏四月庚子。叔倪卒。季孫意如曰。叔

倪無病而死。此皆無公也。是天命也。非我罪

也。言叔倪欲納公。無病而死。此皆天命。命使魯無石爾。魯公之出。非我罪。秋七月。

冬十月。鄆潰。其之為言。上下不相得也。上下

不相得則惡。大亦譏公也。昭公出奔。民如釋

重負。非但季氏之罪。

三十年春王正月。公在乾侯。中國不存。公存公

故也。中國猶國中。也。鄆是魯地。不存公。乾侯為晉地。明公去魯竟而入于晉界。不復

重還。遂卒于外。故傳以有故釋之。所以閔公。夏六月庚辰。晉侯去

疾卒。秋八月。葬晉頃公。冬十有二月。吳滅徐。

徐子章羽奔楚。

三十有一年。春王正月。公在乾侯。季孫意如會

晉荀櫟于適歷。晉地。夏四丁巳。薛伯穀卒。晉侯

使荀櫟唁公于乾侯。唁公不得入于魯也。曰

既為君言之矣。不可者意如也。秋葬薛獻公。

冬。黑肱以濫來奔。其不言邾黑肱。何也。別乎

邾也。邾以濫邑封黑肱。故別之若國。其不言濫子何也。非天

子所封也。來奔。內不言叛也。黑肱不繫邾。嫌其專地。不責叛

罪輕。故言來奔。不言叛。罪自顯也。十有二月辛亥朔。日有食

之。

二十有二年。春王正月。公在乾侯。取闕。夏。吳伐

越。秋七月。冬。仲孫何忌會晉韓不信。齊高張

宋仲幾。衛太叔申。鄭國參。曹人莒人邾人杞

人小邾人。城成周。天子微。諸侯不享覲。天子

之在者。惟祭與號。謂郊上帝。故諸侯之大

夫相帥以城之。此繼之正也。十有二月己未

公薨于乾侯。

### 定公

元年春王不言正月。定無正也。定之無正何也。

昭公之終。非正終也。定之始。非正始也。昭無

正終。故定無正始。不言即位。喪在外也。三月

晉人執宋仲幾于京師。此其大夫。其曰人何

也。微之也。何為微之。不正其執人於尊者之



所也。不與大夫之伯討也。夏六月癸亥，公之喪至自乾侯。戊辰，公即位。殯，然後即位也。定無正，見無以正也。踰年不言即位，是有故公也。謂昭公在外故。言即位，是無故公也。即位，授受之道也。先君見授，後君乃受，故先君無正終，則後君無正始也。先君有正終，則後君有正始也。戊辰，公即位，謹之也。定之即位，不可不察也。公即位，何以日也？戊辰之日，然後即位也。癸亥，公之喪至自乾侯，何為戊辰之日？然後

即位也。

癸亥，夫戊辰六日，怪不即位。

正君乎國，然後即位也。

也。

諸侯五日而殯，今以君始死之禮治之，故須殯而後言即位。

沈子曰：正

棺乎兩楹之間，然後即位也。

兩楹之間，南面之君聽治之處。

內之大事，日即位，君之大事也。其不日何也？

以年決者，不以日決也。此則其日何也？著之

也。欲有，何著焉？踰年即位，厲也。

厲，危也。公喪在外，踰年六月，乃得即位。

危，故日之。

於厲之中，又有義焉。

先君未殯，則後君不

得即位。

未殯，雖有天子之命，猶不敢。況臨諸臣

乎。

雖為天子所召，不敢背殯而往。況君喪未殯而行即位之禮，以臨諸臣乎。周人

叙事則可  
舉重明輕  
則不可

有喪魯人有喪周人弔魯人不弔周人曰固  
吾臣也使人可也魯人曰吾君也親之者也  
使大夫則不可也故周人弔魯人不弔以其  
下成康為未父也君至尊也去父之殯而往  
弔猶不敢況未殯而臨諸臣乎秋七月癸巳  
葬我君昭公九月大雩雩月雩之正也秋大  
雩非正也冬大雩非正也秋大雩雩之為非  
正何也毛澤未盡八力未竭未可以雩也凡  
之所生雩月雩之止也月之為雩之正何也  
謂之毛

此段甚奇  
別是一妙  
格

其禱辭曰  
方今大旱  
野無生稼  
寡人當死  
百姓何放  
不敢煩民  
請命願撫  
萬民以身  
塞無狀此  
請上公之  
辭也

其時窮人力盡然後雩雩之正也何謂其時  
窮人力盡是月不雨則無及矣是年不艾則  
無食矣是謂其時窮人力盡也雩之必待其  
時窮人力盡何也雩者為早求者也求者請  
也古之人重請何重乎請人之所以為人者  
讓也請道去讓也則是舍其所以為人也是  
以重之焉請哉請乎應上公古之神人有應  
上公者通乎陰陽君親帥諸大夫道之而以  
請焉夫請者非可詒托而往也必親之者也

是以重之

詒托猶假寄天尊不敢指斥故請其屬神考

立煬宮煬宮

伯禽子廟

立者不宜立者也冬十月隕霜殺

菽未可以殺而殺舉重

舉殺豆則殺草可知可殺而不

殺舉輕

不殺草則不殺菽亦顯倍三

其曰菽

舉重也

菽易長而難殺故以殺之為重重者殺則輕者死矣輕而不死重者不殺

居然可知

二年春王正月夏五月壬辰雉門及兩觀災

雉門

公宮之南門

其不曰雉門災及兩觀何也災

自兩觀始也不以尊者親災也

始災者兩觀也今以災在

韓子自隕霜不殺菽十月果為夏八月則不宜隕霜只隕霜二字已足明記異矣又加殺菽二字何為恐韓非之言為是韓非近春秋宜若可信

兩觀下使若兩觀始災者不以雉門親災

先言雉門尊尊也秋楚

人伐吳冬十月新作雉門及兩觀言新有舊

也作為也有加其度也此不正其以尊者親

之何也

謂更廣大之

雖不正也於美猶可也

改舊雖不合法度也

雖不正也於美猶可也

三年春王正月公如晉至河乃復

定立三年始朝於晉晉責

其緩不受其朝公懼而反故危錄之

三月辛卯邾子穿卒夏四

月秋葬邾莊公冬仲孫何忌及邾子盟于拔

四年春王二月癸巳陳侯吳卒三月公會劉子

晉侯宋公蔡侯衛侯陳子鄭伯許男曹伯莒子邾子頓子胡子滕子薛伯杞伯小邾子齊國夏于召陵。侵楚。夏四月庚辰。蔡公孫姓帥師滅沈。以沈子嘉歸。殺之。五月。公及諸侯盟于皐。馳後而再會。公志於後會也。後志疑也。

公畏彊楚。疑於侵之。故復者更謀也。楚當時困削弱矣。諸侯侵之。易可得志。今一會之中。十有九國。衆力之彊。足以復楚。不敢深入。淺侵郊竟。則責諸侯之疑。居然可曉。杞伯

成卒于會。六日葬陳惠公。許遷于容城。秋七月。公至自會。劉卷卒。劉采地。此不卒而卒者。賢

之也。囊內諸侯也。非列土諸侯。此何以卒也。

天王崩。為諸侯主也。昭二十二年。景王崩。晉以賓主之禮相接。能為

諸侯主。所以為賢。葬杞悼公。楚人圍蔡。晉士鞅衛孔

圍帥師伐鮮虞。葬劉文公。冬十有一月庚午。

蔡侯以吳子及楚人戰于伯舉。楚師敗績。吳

其稱子何也。以蔡侯之以之。舉其貴者也。蔡

侯之以之。則其舉貴者何也。吳信中國而攘

夷狄。吳進矣。其信中國而攘夷狄。柰何。子胥

父誅于楚也。挾弓持矢而于闔廬。闔廬曰。大

之甚勇之甚。子胥匹夫。乃欲復讎於國。君其孝甚大。其心甚勇。為是

欲興師而伐楚。子胥諫曰。臣聞之。君不為匹

夫興師。且事君猶事父也。虧君之義。復父之

讐。臣弗為也。於是止。蔡昭公朝於楚。有美裘

正是日。囊瓦求之。昭公不與。為是拘昭公於

南郢。數年。然後得歸。歸乃用事乎漢。曰。苟諸

侯有欲伐楚者。寡人請為前列焉。楚人聞之

而怒。為是興師而伐蔡。蔡請救于吳。子胥曰。

蔡非有罪。楚無道也。君若有憂中國之心。則

子胥不以已讐于吳。假救蔡以復已讐。以義動吳。則吳自奮。

若此時可矣。為是興師而伐楚。何以不言救

也。據實救大也。美狄漸進。未同於中國。故不言救。楚囊瓦出

奔鄭庚辰。吳入楚。日入。易無楚也。易無楚者。

壞宗廟。徙陳器。撻平王之墓。楚無能抗禦之者。若曰無人也。

何以不言滅也。據宗廟既毀。樂器已徙。則是滅也。欲存楚也。

其欲存楚奈何。昭王之軍敗而逃。父老送之

曰。寡人不肖。亡先君之邑。父老反矣。何憂無

君。寡人且用此入海矣。父老曰。有君如此。其

賢也。以衆不如吳。以必死不如楚。吳勝而驕。楚敗而奮。

相與擊之。一夜而三敗吳人。復立。楚復立也。何以

謂之吳也。據戰稱子。狄之也。何謂狄之也。君居其

君之寢而妻其君之妻。大夫居其大夫之寢

而妻其大夫之妻。蓋有欲妻楚王之母者。不

正乘敗人之績而深為利。居人之國。故反其

狄道也。

五年春王三月辛亥朔。日有食之。夏歸粟于蔡。

蔡侯比年在楚。又為楚所伐。饑。故諸侯歸之粟。諸侯無粟。諸侯相歸

粟。正也。孰歸之。諸侯也。不言歸之者。專辭也。

不言歸之者。主名若獨魯也。義邇也。言此是邇近之事。於故不足具列諸侯。於

越入吳。六月丙申。季孫意如卒。意如逐昭而日卒者。明定

之得立由乎意如。春秋因定之不惡而書日以示譏。亦猶公子翬非桓之罪人。故於桓不

貶。秋七月壬子。叔孫不敢卒。冬。晉士鞅帥師

圍鮮虞。

六年春王正月癸亥。鄭游速帥師滅許。以許男

斯歸。二月。公侵鄭。公至自侵鄭。夏季孫斯仲

孫何忌如晉。秋。晉人執宋行人樂祁犁。冬。城

中城。城中城者。三家張也。三家侈張。故公懼而修內城。或

曰非外民也。季孫斯仲孫忌帥師圍鄆。

七年春王正月夏四月秋齊侯鄭伯盟于鹹齊

人執衛行人北宮結以侵衛以重辭也。衛人

重北宮結。齊以衛重結故執以侵之若楚執宋公以伐宋凡言以皆非所宜以

齊侯衛侯盟于沙大雩齊國夏帥師伐我西

鄙九月大雩冬十月

八年春王正月公侵齊公至自侵齊二月公侵

齊。未得志故三月公至自侵齊公如往時致月危

致也往月致時危往也往月致月惡之也曹

伯露卒夏齊國夏帥師伐我西鄙公會晉師

于瓦公至自瓦秋七月戊辰陳侯柳卒晉士

鞅帥師侵鄭遂侵衛葬曹靖公九月葬陳懷

公季孫斯仲孫何忌帥師侵衛冬衛侯鄭伯

盟于曲濮從祀先公貴復正也。文公逆祀今還順盜

竊寶玉大弓寶玉者封圭也。始封之主大弓者武

王之戎弓也。是武王征伐之弓周公受賜藏之魯非

其所以與人而與人謂之亡也。亡失非其所取

而取之謂之盜。

九年春王正月夏四月戊申鄭伯董卒得寶玉

大弓杜預曰弓玉國之分器也得之足以其為榮失之足以為辱故重而書之

不地何也寶玉大弓在家則羞不曰羞也國

大寶陪臣專之耻甚而不目其地夫以千乘之國而受辱於陪臣雖得為榮書地則恥

惡得之得之堤下或曰陽虎以解衆也六月

葬鄭獻公秋齊侯衛侯次于五氏秦伯卒冬

葬秦哀公

十年春王三月及齊平夏公會齊侯于頰谷公

至自頰谷離會不致何為致也危之也危之

則以地致何也為危之也其危柰何曰頰谷

之會孔子相焉兩君就壇兩相相揖齊人鼓

譟而起欲以執魯君孔子歷階而上不盡一

等而視歸乎齊侯曰兩君合好夷狄之民何

為來為命司馬止之司馬主兵之官齊侯逡巡而謝

曰寡人之過也退而屬其二三大夫曰夫人

率其君與之行古人之道二三子獨率我而

入夷狄之俗何為罷會齊人使優施舞於魯

君之幕下孔子曰笑君者罪當死使司馬行

通章只形容孔子之武



法焉。首足異門而出。齊人來歸鄆。謹龜陰之田者。蓋爲此也。因是以見。雖有文事。必有武備。孔子於頰谷之會。見之矣。晉趙鞅帥師圍衛。齊人來歸鄆。謹龜陰之田。叔孫州仇。仲孫何忌。帥師圍郕。秋。叔孫州仇。仲孫何忌。帥師圍郕。宋樂大心出奔曹。宋公子地出奔陳。冬。齊侯衛侯鄭游速會于安甫。叔孫州仇如齊。宋公之弟辰暨宋仲佗石彊出奔陳。

十有一年。春。宋公之弟辰及仲佗石彊公子地。

自陳入于蕭以叛。宋公之弟辰未失其弟也。

未失其爲弟之道故書弟以罪宋公及仲佗石彊公子地以尊

及卑也。自陳。陳有奉焉爾。入于蕭以叛。蕭宋地

入者內弗受也。以者不以也。叛直叛也。夏四

月。秋。宋樂大心自曹入于蕭。入蕭從叛人冬。及鄭

平。叔還如鄭莅盟。

十有二年。春。薛伯定卒。夏。葬薛襄公。叔孫州仇

帥師墮郕。猶取也。衛公孟彊帥師伐曹。季孫

斯仲孫何忌帥師墮費。秋。大雩。冬。十月癸亥。

公會齊侯盟于黃。十有一月丙寅朔，日有食之。公至自黃。十有二月，公圍成，非國言圍，圍成大公也。以公之重而伐小邑，則為耻深矣。故大公之事而言圍，使若成是國然。公至自圍成，何以致危之也？何危爾？邊乎

齊也。邊謂相接。

十有三年春，齊侯次于垂葭，夏築蛇淵囿。大蒐于比蒲，衛公孟彊帥師伐曹。秋，晉趙鞅入于晉陽以叛，以者不以者也。叛直叛也。趙鞅自不從外入，入者內無受也。以其無君命於義不受，非實叛，故下書歸明之，非叛而書叛，書

叛非真叛也。冬，晉荀寅士吉射入于朝歌以叛，晉

趙鞅歸于晉，此叛也。其以歸言之何也？貴其以地反也。貴其以地反，則是大利也。非大利也。許悔過也。許悔過，則何以言叛也？以地正國也。地謂晉陽也。蓋以晉陽之兵還正國也。公羊傳曰：逐君側之惡人。以地正國，則何以言叛？其入無君命也。薛弒其君比。

十有四年春，衛公叔戌來奔。晉趙陽出奔宋。二月辛巳，楚公子結、陳公孫佗帥師滅頓，以

頓子牂歸夏衛北宮結來奔。五月於越敗吳于攜李。吳子光卒。公會齊侯衛侯于牽。公至自會。秋齊侯宋公會于洮。天王使石尚來歸脤。脤祭肉。天子祭畢以之賜同姓。諸侯親兄弟之國與之共福。脤者何也。俎實也。祭肉也。生曰脤。熟曰膳。其辭石尚。士也。辭猶書也。何以知其士也。天子之大夫不名。石尚欲書春秋。欲著名于春秋。諫曰。久矣周之不行禮於魯也。請行脤。貴復正也。天王不行禮於魯而歸脤。美之。故失正矣。今由石尚曰貴復正也。衛世子蒯聩出奔宋。衛公孟

彊出奔鄭。宋公之弟辰自蕭來奔。大蒐于比蒲。邾子來會。公城莒。父及霄。十有五年。春王正月。邾子來朝。麇鼠食郊牛。牛死。改卜牛。不言所食。食非一處而至死。不敬莫大焉。定公最大。故天災最甚。二月辛丑。楚子滅胡。以胡子豹歸。夏五月辛亥。郊。壬申。公薨于高寢。高寢非正也。鄭罕達帥師伐宋。齊侯衛侯次于渠蔭。邾子來奔。喪。喪急。故以奔言之。秋七月壬申。弋氏卒。妾辭也。不言夫。人薨。哀公之母也。八月庚辰。

朔日有食之。九月。滕子來會葬。邾滕魯之屬國近則來奔

喪遠則來會葬丁巳葬我君定公。雨不克葬。葬既有

日。不為雨止禮也。雨不克葬。喪不以制也。戊

午。日下稷乃克葬。稷易也。下。乃急辭也。不足

乎日之辭也。辛巳葬定弋。左氏作定姒冬。城漆。

### 哀公

元年春王正月。公即位。楚子陳侯隨侯許男圍

蔡。隨父不見者。衰微也。定六年。鄭滅許。今復見者。自復也。鼯鼠食郊牛

角。改卜牛。夏四月辛巳。郊。此該之變而道之

也。該。備也。春秋書郊終於此。故於此備說。郊之變。變謂郊非其時。或牲被災害。於

變之中。又有言焉。鼯鼠食郊牛角。改卜牛。志

不敬也。郊牛日展。斛角而知傷。展道盡矣。道展

雖盡所以備災之。道不盡故致天變。郊自正月至于三月。郊之

時也。夏四月郊。不時也。五月郊。不時也。夏之

始。可以承春。以秋之末。承春之始。蓋不可矣。

自正月二月三月。此三春之月。是郊天之正時也。若夏四月五月。皆非郊月。然則譏是春事也。如郊在四月五月之中。則是以夏始承春。其過差少。若郊在九月之中。則是以秋末承春。其過極多。亦以承春遠近。為過之深淺也。九月用郊。用者不

宜用者也。在城十郊三卜。禮也。以十二月卜

辛。如不從。則以正月下辛。卜二月上辛。如不

從。則以二月下辛。卜三月上辛。所謂三卜也。

求吉之道三。四卜。非禮也。僖三十一年。襄

故曰禮也。五卜。強也。成十年卜免牲者。吉則免之。不吉則

否。牛傷不言傷之者。傷自牛作也。故其辭緩。

宣三年。郊牛之口傷。以全曰牲。傷曰牛。未牲

曰牛。其牛一也。其所以為牛者異。已卜日成

日牛。未卜日。未成有變而不郊。故卜免牛也。

牲之牛。二者不同。已牛矣。其尚卜免之。何也。災傷不復以郊。禮

與其亡也。寧有。嘗置之上帝矣。故卜而後免

之。不敢專也。嘗置之滌宮。名之為上帝。故不敢擅施也。卜之不

吉。則如之何。不免。安置之。繫而待。六月上甲。

始戊牲。然後左右之。此具也。待具後牲。然後

復須卜。已有新牲故也。周禮曰。司門掌授管

鍵以啓閉國門。祭祀之牛。牲繫焉。然則未左

右時。監門子之所言者。牲之變也。而曰我一

該郊之變。而道之。何也。我以六月上甲始戊

牲。十月上甲始繫牲。十一月十二月。牲雖有

變。不道也。牲有變。則改卜牛。以不待正月。然

妨郊事。故不言其變。

後言牲之變。此乃所以該郊。至郊時然後言其變。重其妨郊也。

郊。享道也。貴其時。大其禮。其養牲雖小。不

備可也。享者飲食之道。牲有變則改卜牛。郊日已逼。虎繫之禮。雖小不備。合時得禮。用之可也。

子不忘三月卜郊。何也。三月謂十二月正月二月

也。郊自正月至于三月。郊之時也。常事不書我以

十二月下辛。卜正月上辛。如不從。則以正月

下辛。卜二月上辛。如不從。則以二月下辛。卜

三月上辛。如不從。則不郊矣。意欲郊而卜不吉。故曰不從。郊必用上辛者。取其新潔莫先也。

秋。齊侯衛侯伐晉。冬。仲孫何

忌帥師伐邾。

二年春王二月。季孫斯叔孫州仇仲孫何忌帥

師伐邾。取瀛東田。及沂西田。取東田。瀛東未

盡也。及沂西田。沂西未盡也。瀛沂皆水名。邾則知其未盡也。

癸巳。叔孫州仇仲孫何忌及邾子盟。

于句繹。三人斃。而二人盟。何也。各盟其得也。

季孫不得田。故不與盟。夏四月丙子。衛侯元卒。滕子來

朝。晉趙鞅帥師。納衛世子蒯聩于戚。納者內

弗受也。帥師而後納者。有伐也。何用弗受也。

以輒不受也。以輒不受父之命。受之王父也。信父而辭王父。則是不尊王父也。其弗受以尊王父也。秋八月甲戌。晉趙鞅帥師。及鄭罕達帥師。戰于鐵。鄭師敗績。冬十月。葬衛靈公。七月葬蒯聩之亂故也。十有一月。蔡遷于州來。蔡殺其大夫公子駟。

三年春。齊國夏衛石曼姑帥師圍戚。此衛事也。其先國夏何也。子不圍父也。不繫戚於衛者。子不有父也。國夏首兵。則應言衛戚。今不言者。辟子有父也。子有父者。戚繫

衛則為大夫屬于衛。子圍父者。謂人倫之道絕。故以齊首之。夏四月甲午。

地震。五月辛卯。桓宮僖宮災。言及則祖有尊卑。由我言之。則一也。遠祖恩無差降。如一。故不言及。季孫斯

叔孫州仇帥師城啓陽。稱帥師有難。宋樂髡帥師

伐曹。秋七月丙子。季孫斯卒。蔡人放其大夫

公孫獵于吳。稱人以放。放有罪也。冬十月癸卯。秦伯卒。

叔孫州仇仲孫何忌帥師圍邾。

四年春王二月庚戌盜弒蔡侯申。稱盜以弒君。不以上下道道也。內其君而外弒者。不以弒

本君臣也。而以盜殺。為之是不。以上下道。

道也。蔡侯不君也。本弑也。而以自卒為文。是不以弑道也。為中國諱也。

道道也。

襄七年鄭伯將會中國其臣欲從楚不勝其臣弑而死不使夷狄之民加

乎中國之君故曰鄭伯髡原如會未見諸侯丙戌卒于操是不以弑道道也。春秋

有三盜微殺大夫謂之盜。十二年冬盜殺陳區夫是。非

所取而取之謂之盜。陽貨取寶玉大弓是。辟中國之正

道以襲利謂之盜。殺蔡侯申者是。蔡公孫辰出奔吳。

葬秦惠公宋人執小邾子夏蔡殺其大夫公

孫姓公孫霍晉人執戎蠻子赤歸于楚城西

邾六月辛丑亳社災。殷都于亳。亳社者亳之社也。

亳亡國也。亡國之社以為廟屏戒也。立亳之社於廟

之外以為屏蔽取其不得通天。其屋亡國之社不得達上也。

不使上通天也。秋八月甲寅滕子結卒。冬十

有二月葬蔡昭公。不書弑君之賊而昭公書葬使若弑者實盜微賤小

人雖討訖不足錄。葬滕頃公。

五年春城毗夏齊侯伐宋晉趙鞅帥師伐衛秋

九月癸酉齊侯杵臼卒冬叔還如齊閏月葬

齊景公不正其閏也。

六年春城邾瑕晉趙鞅帥師伐鮮虞吳伐陳夏

齊國夏及高張來奔叔還會吳于相秋七月



庚寅。楚子軫卒。齊陽生入于齊。齊陳乞弑其君荼。陽生入而弑其君。以陳乞主之。何也不以陽生君荼也。其不以陽生君荼何也。陽生正荼不正。不正則其曰君何也。荼雖不正。已受命矣。入者內弗受也。荼不正。何用弗受。以其受命。可以言弗受也。先君已命立之。於義可以拒之。陽生其以國氏何也。取國于荼也。陽生篡國。故不言公子。不使君師伐曹。

七年春。宋皇瑗帥師侵鄭。晉魏曼多帥師侵衛。夏。公會吳于繒。秋。公伐邾。八月。己酉。入邾。以邾子益來。以者不以者也。益之名惡也。惡其不能死社稷。春秋有臨天下之言焉。即天王狩于河陽。天王出居于鄭有臨一國之言焉。宣九年辛酉。晉侯卒于有臨一家之言焉。家謂采地。若文元其言來者。有外魯之辭焉。定四年。劉卷卒。其宋人圍曹。冬。鄭駟弘帥師救曹。

夏齊人取謹及闡

內不言取言取授之也。以是為賂齊前年伐邾以邾

子益來益齊之甥也。畏齊故賂之。

惡內也。歸邾子益于邾。

故也。益之名失國也。

於王法當絕故秋七月冬十有二

月癸亥杞伯過卒齊人歸謹及闡

歸邾子故亦還其賂

九年春王二月葬杞僖公宋皇瑗帥師取鄭師

于雍丘取易辭也。以師而易鄭病矣。

以師之重

而宋以易得之辭言之則鄭師將劣矣。本由君不任其才故為鄭國病患。夏楚人

伐陳秋宋公伐鄭冬十月

十年春王二月邾子益來奔公會吳伐齊三月

成戌齊侯陽生卒夏宋人伐鄭晉趙鞅帥師

侵齊五月公至自伐齊

惡事不致公會夷狄伐齊之喪而致之何

也。傳曰不致則無以見公惡事之成也。

葬齊悼公衛公子孟自

齊歸于衛薛伯夷卒秋葬薛惠公冬楚公子

結帥師伐陳吳救陳

十有一年春齊國書帥師伐我夏陳轅頗出奔

鄭五月公會吳伐齊甲戌齊國書帥師及吳

戰于艾陵齊師敗績獲齊國書秋七月辛酉

滕子虞母卒冬十有一月葬滕隱公衛世叔

齊出奔宋。

十有二年春用田賦。

軍賦之法因其田財通出馬一匹牛三頭今乃分別其田及家財各令出此賦則一丘之田出馬二匹牛六頭故曰用田賦言非所宜用也。

古者公田什一用田賦非正也夏五月甲辰

孟子卒孟子者何也昭公夫人也其不言夫

人何也諱取同姓也公會吳于橐臯秋公會

衛侯宋皇瑗于鄆宋向巢帥師伐鄭冬十有

二月螽。

十有三年春鄭士達帥師取宋師于岳取易辭

也以師而易取宋病矣夏許男成卒公會

侯及吳子于黃池黃池之會吳子進乎哉遂

子矣。進遂稱子吳夷狄之國也祝髮文身也。祝斷也欲

因魯之禮因晉之權而請冠端而襲。襲衣冠也

請著衣冠玄端而相襲。其藉于成周。藉謂貢獻以尊天王吳

進矣吳東方之大國也累累致小國以會諸

侯以合乎中國吳能為之則不臣乎。言其臣也吳

進矣王尊稱也子卑稱也辭尊稱而居卑稱

以會乎諸侯以尊天王吳王夫差曰好冠來

孔子曰大矣哉夫差未能言冠而欲冠也。不

冠有差等楚公子申帥師伐陳於越入吳秋。知

公至自會。吳進稱子又會晉魏曼多帥師侵

衛葬許元公九月螽冬十有一月有星孛于

東方。不書所孛之星而曰東方盜殺陳夏區

夫。傳例曰微殺十有二月螽。

十有四年春西狩獲麟引取之也。諸獲皆不與

言此麟自為孔子有王者之德而來應之魯

引而取之亦不與魯之辭也必使魯引取之狩地不

者天意若曰以夫子因魯史記而修春秋孔子修春秋乃獲麟之驗也。

地不狩也非狩而曰狩大獲麟故大其適也。

適猶如其不言來不外麟於中國也其不言

也之也有不使麟不恒於中國也。



三傳

穀梁傳終

補

不

三

<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------	------------

